

ցուցին առաջի սեղանին . եւ ասին թէ ահա
 Փափն կու գայ . զի ամէն տեղ Սաչն է Փա-
 փին կարապետ : Եւ զինուորքն զամբոխն
 ցրվէին շաւիղ առնելով : Ապա սկսան նախ իչ- 50
 խանքն դալ եւ զկնի քահանայք եւ կարգա-
 ւորք . ապա եպիսկոպոսք , զկնի պօնսինօրք .
 եւ ապա դարտինալք . եւ յետ ամենայնի
 Փափն : Եւ էք նստեալ ի մաքիան վեց եպիսկո-
 պոսաց բարձեալ . որպէս Հայք ի մեծի աւագ 55
 հինգ շարաթին յոտն լուային բառնան զեպիս-
 կոպոսն կամ զքահանայապետն . զի այսպէս է
 սովորութիւն , յորժամ յեկեղեցիս երթայ ,
 մարդիք բառնան . իսկ այլ տեղ ջորովք : Եւ
 ուր մերձէր՝ անկանէին ի ծունկս եւ զգլուխն 60
 խոնարհեցուցեալ աղաղակէին ասելով . Օր-
 հնեա՛ սուրբ Հայր : Եւ նա ի վերուստ խա-
 չահնքէր եւ օրհնէր : Եւ եկեալ առաջի սեղա-
 նոյն էջ յաթոսոյն եւ ծունր եղեալ ազօթեաց
 եւ երկրպագեալ դարձաւ ի ժողովուրդն , խաչ 65
 եհան . եւ ողջոյն ետ դարտինալաց : Եւ ամե-
 նեքին երկիր պագին նմա . եւ տարեալ հան-
 դուցին զնա ի սահմանեալ տեղին : Եւ իբրեւ
 բազմեցաւ՝ նախ ներքին եպիսկոպոսքն ելեալ
 զնացին եւ համբուրեցին զոտն Փափին : եւ 70
 ընդ կրունկս յետս եկեալ նստան . ապա ելին
 պօնսինօրք եւ զծունկն համբուրեցին . ապա
 դարտնալքն զաջն համբուրեցին : Եւ իբրեւ
 կատարեցաւ ողջոյն , ազուցին Փափին շուր-